

Fjármálaráðuneytið
Hlynur Ingason
101 Reykjavík
postur@fjr.is



Reykjavík, 25. nóvember 2018

Efni: Umsögn um drög að frumvarpi til laga um breytingu á lögum um virðisaukaskatt (gildisdagsetningar, virðisaukaskattsskylda alþjóðaflugvalla o.fl.) - viðbótarumsögn

Samtök ferðaþjónustunnar (samtökin) vísa í fyrri umsögn frá 23.11.2018 og vilja þrátt fyrir skamman umsagnarfrest koma á framfæri eftirfarandi ábendingum sem lúta að virðisaukaskattskyldu alþjóðaflugvalla þar sem um er að ræða gríðarlega mikilvægt mál er varðar samkeppnishæfni alþjóðaflugvalla hér á landi.

Samtökin hafa ávallt lagt áherslu á mikilvægi þess að rekstur fyrirtækja í ferðaþjónustu sé samkeppnishæfur og búi við sambærilegt rekstrarumhverfi og tíðkast í þeim ríkjum sem Ísland á í samkeppni við um hylli ferðamanna. Með frumvarpinu er gert ráð fyrir breytingu sem lýtur að því að skýra nánar skattskyldu rekstraraðila alþjóðaflugvalla á Íslandi til samræmis við það sem gildir í nágrannaríkjum Íslands. Breytingin felur í sér að þjónusta sem rekstraraðli flugvalla veitir loftförum og farþegum skuli teljast til veltu sem undanþegin er virðisaukaskatti. Samtökin eru mjög hlynnt þessari breytingu.

Lögð er áhersla á að skattar og gjöld sem lögð eru á farþega og flugrekendur hafa verulega neikvæð áhrif á samkeppnishæfni Keflavíkurflugvallar. Mikilvægt er að þessum málum sé háttað í samræmi við það sem almennt gerist á öðrum alþjóðaflugvöllum. Keflavíkurflugvöllur er í alþjóðlegri samkeppni sem tengistöð viðkomufarþega og mikilvægasti tengipunktur ferðamanna til og frá landinu og því er mikilvægt að skattameðferð sé sambærileg við það sem gerist á samkeppnisflugvöllum.

Samtökin benda að lokum á það sem áður hefur komið fram um að þau áskilja sér rétt að koma með frekari ábendingar á síðari stigum.

Virðingarfyllst
f.h. Samtaka ferðaþjónustunnar

Gunnar Valur Sveinsson